

PENGANGKUTAN AWAM SABAH, SARAWAK

Mampu beri pulangan pelaburan masa depan

Kuala Lumpur: Peruntukan Bajet 2023 bagi pembangunan pengangkutan awam di Sabah dan Sarawak mampu memberi pulangan pelaburan pada masa hadapan mengambil kira Indonesia akan memindahkan ibu negaranya di Kalimantan.

Ketua Pusat Penyelidikan Keselamatan Jalan Raya, Fakulti Kejuruteraan Universiti Putra Malaysia (UPM), Profesor Dr Law Teik Hua menyambut baik pengumuman kerajaan menyediakan hampir RM400 juta dalam Bajet 2023 bagi pengangkutan awam terutama untuk Malaysia Barat.

Menurutnya, infrastruktur pengangkutan awam di Malaysia Barat memang agak kurang dan memerlukan peruntukan wang yang besar.

“Tambahan Indonesia bakal memindahkan ibu negaranya ke Kalimantan dan kita akan dapat melihat pulangan pelaburannya nanti apabila pengangkutan awam ditambah baik.

“Saya sangat bersetuju dengan pengumuman kerajaan berkaitan pengangkutan awam ini tetapi dalam masa sama soal keselamatan jalan raya juga tidak boleh diketepikan,” katanya semalam.